

左恪靖侯奏稿初編

恪靖奏稿初編卷五目錄

逼攻龍湯縣城賊匪情形摺

發給勒伯勒東割憑片

派兵駐防歙休地方片

已革道員暫緩鞫問片

遴員接署甯波知府片

叅辦貪劣知縣摺

攻剿嚴州克復郡城摺

附陳賊情並監放炸礮片

初稿卷三十五

請將知府留浙補用片

請飭部續發米捐執照片

督銜奏官軍會剿竄徽之賊克復績溪等城摺

請應題應咨各件暫緩辦理片

逼攻龍湯縣城賊壘情形摺

奏爲官軍逼攻龍游湯溪縣城及附城賊壘並分剿金華蘭谿嚴州等處援賊疊獲勝仗兩城尙未克復現籌攻取情形恭摺奏祈

聖鑒事竊臣自將油埠裏家堰羅埠湖鎮五星街各要隘奪獲後令蔣益澧圍攻湯溪劉典駐油埠兼扼湖鎮親督各營於龍游西南兩門外開掘長濠引小溪之水灌之又以東門外寶塔嶺俯瞰賊巢地勢在所必爭九月初十日商之劉培元搶紮三小壘並派各營列隊以

防城壘之賊中刻新畢成各營甫收隊還該逆忽分股
急撲意在乘我之倦劉培元親率弁勇極力堵禦臣復
飭各營回擊賊大敗走追近畢前城賊復出官軍於昏
夜之中混戰逾時約斃賊百餘名鎗礮傷者不計其數
賊敗入城乘勢追至城下轟攻良久乃還口寶塔嶺三
小畢成賊始奪氣以後併不敢出城拒敵矣是役劉培
元督戰甚力所部勇士守備師有勝熊得先手刃數賊
皆誤中洋鎗殞命殊爲可惜合計斃悍賊三百餘名而
弁勇陣亡者十五名受傷者七十餘名十七夜四鼓臣

派各營分攻城壘五鼓楊昌濬虞紹南率親兵營劉璈率副中營旂攻傍城一壘出賊不意疾趨而前拔開花籬地刺堆草填濠而進連拋火彈適著賊約筒火起賊亂官軍乘勢肉薄而登其驍勇者直從砲眼鑽入立破堅壘一座壘中之賊數百僅漏逸三四十名城目忤天安任方海等十餘名均斬擒淨盡奪獲偽印三十餘顆旂幟鎗斃刀矛馬匹悉爲官軍所獲而紅綢蜈蚣形畫龍旂多至二百三十餘面其餘各壘經各營猛攻數時前者中傷後者繼進鏖攻五時之久四壘盡破復完城

賊旋由東門出經王德榜劉收等截擊斬大旗賊數名
餘敗入城仍固匿不出各營奮力猛攻卒以賊壘鎗礮
太密壯士受傷過多不得已仍收隊而還計是役陣亡
者八十餘名受傷者竟至七百餘名之多爲臣軍向來
未有之事蓋攻堅之難如此十月初二日復派親兵營
副中營旂專攻第一賊壘置各壘不攻以誘其出殊猶
賊仍堅伏不出惟穴牆環開鎗礮無隙可乘久之壘中
悍賊少許各持洋鎗躍出官軍截擊斃其數十而還而
官軍陣亡者已十餘名受傷者又五十餘名各營哨官

受傷者共七名副中營游擊瞿端明創重殞命尤爲可惜此九月初十十八及本月初二日逼攻龍游縣城破一堅壘殺悍賊近千攻城未克之實在情形也蔣益澧一軍派副將熊建益劉清亮謝永祐等與督臣派來助剿之康國器所部分布四門合圍湯城以廣西左江鎮總兵高連陞防金華援賊蔣益澧自駐羅埠防蘭谿援賊東門外山頭賊壘一座堅固異常難以仰攻經蔣益澧派兵逼紫輿之相持開挖地道數處分取城壘九月初十等日蘭谿賊目僞天將譚星率黨萬餘上犯圖援

龍湯盤踞江坑花園一帶結壘八座上下十餘里村庄
皆爲賊據直至離羅埠三里外一帶焚掠克蝕甚張十
二日蔣益澧督總兵銜副將劉清亮副將銜叅將周廷
瑞曹魁甲各率所部及馬德順馬隊由左路進同知銜
知縣楊道治五品軍功李世祥各率所部由右路進副
將何萬華已革都司銜守備徐文秀各率所部由中路
進蔣益澧自率親兵策應諸路誘戰良久該逆不出審
視各處賊壘惟江坑二座較同餘皆易得手遂令楊道
治李世祥牽制江坑之賊庵中左兩路急進沿途焚賊

館十餘處先破賊小壘一座各壘賊出援縱兵奮擊斃
悍賊廿餘名賊敗歸壘我軍乘勢猛撲王東林何萬華
徐文秀等於砲石中大呼躍入立將三壘蕩平該逆紛
紛遁竄經我軍截殺逼之落水共斃賊六七百名生擒
八十餘名奪獲牛馬數十鎗礮旂幟刀矛無算救出老
幼男婦以千計追奔至離蘭谿五里又破賊壘二座殲
匪甚多申刻收隊尙餘江坑二壘未破查係譚星自帶
死黨屯紮蔣益澧卽於是夜械約劉典於次日分路往
攻十三日黎明蔣益澧各營齊抵江坑四面圍撲劉典

率所部自伍家圩過河來會併力破其後壘殲賊不少
餘匪見水逃竄被我軍抄擊或死於刃或死於水鮮得
脫者計斃賊近千名生擒百餘名獲騾馬二十餘匹大
小旂幟數百面軍械無數後壘既破合攻前壘我軍氣
勢愈加拔簽椿數丈踰濠二道擁至壘前將火箭火蛋
拋入正在得手之際忽蘭谿援賊麇至當派高連陞劉
清亮徐文秀馬德順楊芳桂等率馬步迎剿斃賊數十
名賊敗退乘勝追至蘭谿縣城對岸沿途賊巢悉數焚
燬復斃賊百餘溺死者無數申刻仍歸大隊奮力攻撲

數次該逆抵死抗拒卒未能下乃收隊而回是夜該逆亦焚壘遁去蔣益禮派兵追之斬殺及溺死者約數百名自羅埠至蘭谿之路一律肅清十一十二等日探報金華援賊竄至湯溪城東二十里之白龍橋一帶延燒村房烟燄四起當經劉典高連陞出隊往剿賊自駭卻十五日蔣益禮復派高連陞熊建益率隊潛往搜捕適賊由金華運糧至官軍出不意擊之斬殺多名餘衆竄走高連陞等率馬隊追殺直至距金華府城十里而返沿途復斃賊數十名生擒四十六名湯溪城賊連夜出

撲官軍營盤經經熊建益劉清亮及康國器等擊却之
屢有擒斬十月初三夜城逆復於東門外搶紮二壘南
門城根搶紮一壘意在通城壘之氣而留竄金華之路
初四日黎明蔣益漕卽督高連陞熊建益會同康國器
所部飛虎軍何勇楊陽勇昭武軍力攻三時始將賊壘
悉數踏燬共殺賊二百餘名陣斬僞級天義李占魁生
擒十六名奪犬旗五十餘面鎗礮器械二百餘件比蔣
益漕會督湘軍圍攻湯溪及與劉典會剿蘭谿金
華援賊獲勝之實在情形也蘭谿譚逆自江坑敗遁後

於近城一帶築壘固守並時至溪西虹霓山施家灘厚
仁寺女埠等處往來剽掠二十四日劉典督黃少春朱
明亮楊鼎勳楊芳桂等馬步四營會合白露山民團進
剿該逆見我軍至卽紛紛退走過河我軍乘勢追擊至
樟木村地方賊入壘拒守黃少春督勇從壘後斬關直
入楊鼎勳督隊截其前門登時踏破該逆踰牆而出者
陷於濠坑籬椿之中皆殲焉約斃賊六七百名時上下
村壘復出賊千餘來援經朱明亮楊鼎勳等分路迎擊
賊大潰追殺至近蘭谿城邊斃賊約又數百日暮敗隊

過河譚逆復率黨千餘合敗賊來犯劉典飭各營扼河
堵禦令朱明亮率隊從左路截殺鎗傷先鋒悍賊十餘
名賊眾奔竄溺死者又數十人計此次共斃賊千餘名
內有偽侯十一名生擒三十餘名內偽丞相六名奪偽
印三十顆偽官照七張騾馬五十餘匹旗幟器械無算
該逆經此痛剿復糾合義烏浦江及嚴州分來之賊於
金華江蘭江西岸潛修堅壘意圖抗拒十月初二日蔣
益澧劉典各派兵分途往攻未能得手雖截殺蘭谿援
賊百數十名而蔣益澧所部副將等營共陣亡八十三

名受傷者數十名緣地曠路歧收隊時爲伏賊所害也
賊目譚星之弟譚富擁衆萬餘屯踞嚴州府城並於近
城數十里內節節設卡河下安泊戰船阻我進攻之路
候補知府魏喻義率所部二千人自遂安移紮淳安縣
銅關及壽昌縣城攻破洋溪賊卡斬逆目黎滿志餘衆
悉降十月初三日復會合紳團攻破嚴州北路三卡殲
匪數百名奪偽印四顆初四日嚴城踞匪分股竄至南
路黃山頂一帶將合蘭谿賊上犯當卽派隊合民團擊
敗之擒斬頗多此劉典魏喻義分剿蘭谿嚴州賊匪獲

勝之實在情形也。經計龍游湯溪蘭谿嚴州諸處大小數十戰，攻破城壘賊卡三十餘處，殺悍賊六七千名。大小賊目近百名。戰事尙順，惟各城及附城諸壘堅不可拔。每猛攻一次，將士之奮勇最著者，多帶鎗礮子傷或登時殞命。緣猾賊知官軍不可力敵，遂以死守城壘穴牆開礮爲得計。城壘之外濠溝深濶，木椿地針環濠數十丈，遍地密布，不能容趾。官軍逼攻愈猛，傷亡愈多。而龍游湯溪兩城爲金華要道，必兩城下，後路清而後可攻。金華蘭谿一水直達嚴州，必蘭谿下，餉道通而後可。

攻嚴郡此三城者如骨在喉非採取之不快而各營業已逼近賊之城壘相距不過一里半里勢亦難舍此他圖臣前奏所以慮其爲曠日持久之局者此也屢據逃出賊供龍游城鹽油鹽薪炭俱缺見已拆屋爲炊賊數雖有兩三萬之多除老弱患病不計外能戰者實不過數千人所以窘逼至此猶忍死待援者意在戀其輜重婦女又恐棄城壘而逃衆心渙散官軍追殺斷難倖免耳湯溪賊情賊勢亦同臣現密飭各營於賊所可竄之路分起放哨設伏一斷其接濟一截其去蹤一面調取

大礮轟斃炸彈轟攻城壘兇致多傷精銳湯溪只一城
一壘尙有可開地道之處蔣益澧現已設法趕辦劉典
駐軍太平祝家及湖鎮之間專備截剿嚴州蘭谿援賊
如逆首李世賢果由金陵回援則應由臣軍及蔣益澧
派隊助剿魏喻義所部二千人仍分駐淳安西銅關及
壽昌縣城以防嚴州蘭谿之賊內犯飭前駐遂安之王
文瑞率所部老湘營全軍踰嶺過婺源進駐歙休交界
之阜市嶺以固婺而援徽而諭江西撫臣派來助剿之
同知王沐一軍二千人代守遂安以扼江皖之衝俟龍

游湯溪兩城有一克復則局勢稍活其布置分合之宜
當隨時會商辦理所有疊獲勝仗及現在布置情形謹
會同兩江督臣曾國藩閩浙督臣耆齡據實陳奏伏乞
皇上聖鑒訓示施行謹

奏 同治元年十月二十二日

議政王軍機大臣奉

旨另有旨欽此

發給勒伯勒東劄憑片

再臣奉

寄諭法國因甯波海口喫緊願將伊國副將勒伯勒東
權受中國職任帶兵防剿現由總理各國事務衙門與
之定議該國情願以勒伯勒東權受中國職任聽浙江
巡撫及甯波道節制著薛煥李鴻章左宗棠將該副將
在甯波所練中國兵丁一千五百名應給餉項卽行按
照舊章支放並據恭親王等奏稱以該副將旣歸該省
大員節制卽應由該大臣巡撫給付劄憑以一事權卽
著薛煥李鴻章左宗棠悉心妥籌或由李鴻章或由左
宗棠發給勒伯勒東劄付旣須事權歸一又須力能控

制方免紛歧遲誤該副將既受中國職任之後卽應一
視同仁遇事持平辦理一切按照中國法制不得稍存
偏倚亦不得稍有寬縱史致謬甫到甯郡未知於該處
情形及駕馭事宜能否諳悉薛煥等務卽督飭該道於
該副將所領之軍及甯郡兵勇賞功罰罪以及稟報戰
守各情務令秉公核實其支放錢糧尤不得有絲毫扣
減浮冒等弊致爲外國人所輕視至籌防一節先經法
國公使欲統歸勒伯勒東辦理復經總理各國事務衙
門與之再三講論始願歸甯波道督辦惟上年甯郡失

事英國人在京歸咎於中國官不肯照伊布置辦理以致誤事此次該副將有所籌商務飭該道員與之和衷共濟不得稍有齟齬致誤機宜一俟左宗棠克復金華兵力足以兼顧甯波一帶卽行察看情形將勒伯勒東撤回法國仍用中國官兵防守毋庸俟浙省全行平靖方令撤回等因欽此旋經薛煥李鴻章恭錄移咨到臣李鴻章敬吏致請給與勒伯勒東照會咨臣給與劄憑臣初以甯波距上海近距臣軍遠中隔賊氛暫難兼顧且李鴻章威名丕著中外咸知非臣所及臣於甯波兵

事既囑史致誘就近稟承則勒伯勒東創憑應由李鴻
章就近發交方資控制繼想法國之請以勒伯勒東權
受中國職任聽撫臣及甯波道節制自係就轄境而言
洋將之受中國職任本是偶爾權宜異時更易撤留仍
須由浙主政自宜先正其名已繕備勒伯勒東署理浙
江總兵制憲由安慶輪舟遞交史致誘轉發並咨薛煥
李鴻章知照矣臣維人無中外好惡同則其情理一忠
信篤敬蠻貊可行內治克脩遠人自服如賞功罰罪不
秉大公諱敗攘功不務核實以及冒銷錢糧侵扣馬餉

皆主兵者所最忌有一於此部曲尙且離心況以之施諸荒遠內附之人乎史致謬人尙明白或不至此臣亦當隨時誥誡期免愆尤惟是沿海各郡自五口既開之後士民嗜利忘義習伺日非又自海上用兵以來至今未覩戰勝之利於是妄自尊薄爭附洋人其黠者且以通洋語悉洋情猝致富貴邇利如鶩舉國若狂自洋將教練華兵之後桀驁者多投入其中挾洋人之勢橫行鄉井官司莫敢詰治近聞甯波提標兵丁之稍壯健者且多棄伍籍而投洋將充勇丁以圖厚餉此常勝一軍

所以增至四千五百人也若不稍加裁禁予以限制則
客日強而主日弱費中土至艱之餉而貽海疆積弱之
憂人心風俗日就頹靡終恐非計臣擬熟察情形俟浙
江局勢稍有轉機再與曾國藩李鴻章徐商妥策所有
發給勒伯勒東劄憑及覆陳情形謹據實附片具
奏伏乞

皇上聖鑒謹

奏

同治元年十月廿二日

議政王軍機大臣奉

旨另有旨欽此

派兵駐汴欽休地方片

再蔣益澧一軍屢奉

寄諭因羣賊撲犯金陵大營

飭調赴援臣亦屢接曾國藩檄咨頻催蔣益澧率所部馳援皖南以便鮑超赴金陵之援維時蔣益澧已於羅埠攻剿得手後徑逼湯溪縣城連紮十餘營距賊不及半里宵柝相聞一時不能卽撤而賊首李尙陽因猝被蔣益澧猛攻緊逼勢頗窘蹙蔣益澧意此城且夕可下

不欲率垂成之功且以此間局勢論之湯誤不拔則龍
游之賊時通金華蘭谿之援臣軍之圍龍游者亦將四
面受敵正躊躇間纔准會國藩咨械會國荃頻獲勝仗
連破賊壘金陵大營局勢漸臻穩固鮑超張運蘭刀禦
甯國之賊無須馳援金陵將益漣得壹意攻剿洵為意
外之幸惟甯國之賊意在乘閒突犯江西則安徽徽池
兩郡各屬為其必經之地池州在山外非臣力所能及
而由婺源出歙休之間過賊犯江西景鎮樂平德興一
面之衝此則臣軍頻年苦戰之地地利尙習義不容辭

臣已調駐守遂安之布政使衙門選道王文瑞督所部
全軍二千五百人踰大鋪嶺其至欽休發三界之草市
地方結廬扼守賊如入嶺可相機擊之其遂安一縣介
江皖之邊亦須調兵接防以壯王文瑞後路聲援而弭
江皖罅隙即調江西撫臣派來以剿之同知王沐帶所
部二千人移駐其間已各報到防矣理合附片具陳仰
懇

慈廑伏乞

皇上聖鑒訓示謹

奏 同治元年十月廿二日

議政王軍機大臣奉

旨另有旨欽此

已革道員斬絞罪開片

再臣接據甯紹台道史致諤稟據甯波紳士陳政錦等
呈稱籌捐防剿一切喫緊已革道員張景渠執器情形
可否留甯會辦軍務等情並准江蘇撫臣轉咨到臣
維已革甯紹台道張景渠係迭奉

諭旨革職之員未便仍留甯波會辦軍務惟該革員經

手事件尚未結算清楚而此次克復甯波鎮海慈谿餘
姚奉化等城雖是因人成事亦實著有微勞可否暫緩
軍間之處出自

天恩理合附片陳明伏乞

皇上聖鑒訓示謹

奏 同日九年十月廿二日

議政王軍機大臣奉

旨另有旨欽此

同治元年十一月初十日內閣奉

上諭在案李鴻章奏中外官軍攻克上虞縣城一摺
並李鴻章奏遵查曾秉忠等叅欵催調常勝軍前進左
宗棠奏官軍逼攻龍游湯溪等城及給發勒伯勒東劄
付並請將張景渠暫緩拏問派兵駐防欽休地方各摺
片已明降諭旨將克復上虞情形宣示矣惟據法國哥
士者函致總理各國事務衙門言及克復該城係先在
城外踏毀賊營奪橋焚卡中國官兵以少勝多頗稱得
力惟縣城竟日而城中絕無動靜遣人往視始知賊已
宵遁等語與此次所奏官兵奮勇登城賊由西南逃竄

情形不符與外國人共事全在乎以誠信若稍有粉飾
卽爲所笑史致諤等稟報軍情沾染軍營惡習必須嚴
加訓飭庶可以挽頽風並飭令嗣後務須據實詳報不
得一字虛假以杜外國口實張景渠前此棄城而逃並
有侵帑情事此時豈得遽請暫緩李問准令留營仍著
李鴻章左宗棠查明該革員隨同克復各城是否認真
出力及從前甯波失守情形據實具奏江南大股逆匪
會合九洑洲踞匪出竄江北屯紮於江浦浦口一帶其
勢甚張昨已諭令曾國藩等妥籌防剿並令常勝軍協

力戰守皖淮自齊文已由甯波帶勇回至松江卽著李鴻章催令趕緊調齊人數兼程進發迅速入江如能將九洲等處克復不獨江浦之賊不剿自退卽長江亦可疏通於大局甚有裨益勒伯勒東業經左宗棠發給劄憑令其統率一軍惟以洋人教兵領隊流弊極多朝廷早已慮及是以前次有准減不准增之諭左宗棠所陳各情與朝廷之意脗合想該撫等必能遵旨妥辦也曾秉忠旣已漸知儆畏並無縱兵通賊情事著准其暫留滬防協同黃翼升實力防剿至滬上釐捐事務經李

鴻章派令王大經等認真整頓每月所入可得二十餘萬而各軍賴以接濟且見該撫辦事實心綜覈精當仍著隨時釐剔令稅務日見其增庶於餉精有裨金鴻保既知刻厲自新卽照該撫所請暫留釐局仍著留心查察如有貪婪確據卽予嚴叅龍游湯溪等城攻剿叠獲大捷而城壘尙堅每戰必傷精銳左宗棠擬一面斷其接濟一面調取大礮購覓炸彈轟攻城壘所籌甚是卽著相機妥辦於上海甯波設法購買運往應用制賊死命湯溪地道是否趕辦完竣如能迅下兩城則金華蘭

鄒一水可達方有進兵之路此時上虞既復嵎縣新昌亦相繼而下浙東大有轉機清在宗棠飭令史致諤等會合中外各軍迅渡進兵規復金華紹興各郡縣以旁厥勢該撫謀各該處於進止一切機宜必能調度合宜也嚴防關係緊要王文瑞駐守草市一軍及王沐駐防連安一軍仍當嚴飭該員等實力扼守隨時策應以爲該撫此路聲援毋稍疎懈將此由六百里各諭令知之欽此

差員接署甯波知府片

再署甯波府知府林鈞業經革職應候查辦所有員缺
亟應遴員接署據甯紹台道史致謬稟查有現辦局
務之新授嘉興府知府邊葆誠堪以接署已就近稟請
署江蘇撫臣給札速赴署任臣查新授嘉興府知府邊
葆誠因本任地方尚未克復無任可到前經湖南撫臣
奏調尚未稟報起程臣雖未曾接見然聞其爲人操守
謹飭本臬官場積習現在甯波吏治民風急需整飭非
廉靜之吏不足以端表率而挽頹風應請以該員邊葆
誠署理甯波府知府俾資贊助臣與江蘇撫臣咨商意

見相同除檄飭遵照外理合附片陳明伏乞

皇上聖鑒訓示謹

奏

同治元年十月廿二

議政王軍機大臣奉

旨知道了欽此

攻剽嚴州克復郡城摺

奏爲官軍攻剽嚴州踞逆克復郡城恭摺馳

奏仰祈

聖鑒事竊逆賊以金華爲老巢恃嚴州爲犄角嚴州地
勢外通皖南徽甯兩郡內達杭州形勢尤重臣初入浙
原擬先克此郡以速戎機嗣因賊勢趨重三衢希圖越
犯江西斷我餉道不得不先扼此路以保完善之區然
於嚴州則未嘗須臾忘也前因羣賊窺犯甯國臣卽決
計縱龍游湯溪克復亦須急攻嚴郡緩攻金華曾經奏

明在案屢飭布政使銜卽選道王文瑞卽選知府魏喻義合圖嚴郡嗣因皖南之賊漸逼徽州不得已調王文瑞駐遂安一軍入婺援剿所恃以圖嚴州者僅魏喻義之一軍二千人而又分駐嚴之銅關與壽昌縣城兩處兵力甚單臣飭臬司劉典一軍力攻蘭谿一路翼分嚴郡賊勢而陰飭魏喻義相機克復嚴州并飭駐壽昌之一千人併歸大隊以厚其力蓋踞嚴逆目譚富與踞蘭谿逆目譚星爲兄弟均是廣東著名悍賊彼此互相首尾逆首李世賢賊其合勢以拒我軍者也故欲攻嚴郡

則必先攻兩端以分其勢魏喻義既駐軍銅關據險設卡召集諸民團令其協力謀之逆目譚富於十一月初八九等日糾集桐廬浦江各逆疊次來犯均經我軍擊退擒斬頗多民國之氣亦振城中被害難民時誦賊動靜諸營密告魏喻義得以先事制之賊恃其眾不介意也十一日譚逆傳僞令將於十三日傾巢來撲銅關營壘魏喻義聞之十二日已刻率所部掩旗息鼓赴洋溪二鼓潛趨鐘嶺脚分路設伏布置甫定少頃先鋒悍賊五百餘行過伏前伏軍驟起四面圍殺無一脫者後隊

萬餘見前賊破鐵驚竄回城魏喻義令揚旗發號佯退
洋溪以弛其備十三日脯間魏喻義令諸營各昇攻具
以備登城令所造礮船直下南門大河斷其水道馬隊
由北路繞過東門斷其下竄桐廬之路傷我軍開礮即
奮勇奔登魏喻義督率親兵於夜半時潛抵西北兩門
豎立雲梯號炮營前營監翎同知銜通判李昌彩藍翎
千總李光彩監翎守備劉華汜左營花翎遊擊銜都司
黃占隆外委楊信誠軍功青緞裘邱奪才中營花翎遊
擊銜都司魏光謨花翎都司周世運藍翎守備王宗高

軍功駱輝能蕭孝前郭玉發右營花翎都司魏發沅藍翎千總胡世忠藍翎把總魏名璋軍功李玉春後營花翎恭將銜遊擊許成化軍功李得勝鳳冠林等首先登城各勇一擁齊上殺斃巡夜守城之賊百餘正欲下攻城內悍賊分段擁上洋鎗如雨我軍奮威衝殺火毬火彈連環拋擲自亥至丑鏖戰三時之久殺賊二千餘人賊屍紛紛下降城上肅清始令下城巷戰城賊愈集愈多我軍愈戰愈勇轉戰至南門大街各營畢集斃賊不知其數餘賊數千望東南狂竄城門鍵閉牢固猝不及

啟其逼由城壕躍下墜死者亦約百餘其河下賊船經
五品軍功李本鴻督帶敵船搶下蘭谿港口轟擊焚燬
殆盡見水各匪率皆淹斃越城脫者沿河旣被炮轟竄
至東路又被花翎都司銜守備林德元藍翎守備魏光
翰率馬隊追殺千餘時已響晨各路團丁畢集零匪無
路可遁被逼仍回東門城下拋置器械伏地投誠十四
日已刻收隊本地難民及投誠餘黨數百概令薙髮分
別安撫遣散嚴州府城立即克復計共殺賊萬餘焚溺
無數焚燒賊船二百餘隻搜獲偽印二百九十三顆奪

賊馬二百餘匹僞文旗幟軍械無算至僞朝將譚富是
否死於亂从死於焚溺無從查確惟驗所獲畫龍大纛
及黃緞繡龍袍靴黃緞龍帽各件則皆譚賊物也官軍
陣亡十八名受傷者一百七十五名是役仰仗

皇上福威克復名城犁庭掃穴擒斬極多實非始願所
及花翎卽選知府魏蘭義棧訥廉謹平時治軍嚴肅每
戰身先士卒能以寡勝眾實屬文職中兼通方畧之員
合無仰懇

皇上天恩以道員留於浙江補用並

賞加勇號以勵戎行同知銜藍翎領判李昌彩請以同知留浙儘先補用並請

賞換花翎花翎叅將銜遊擊許成化請以副將留浙補用花翎遊擊銜都司黃占鼐魏光謨請以叅將留浙補用花翎都司周世運魏發沅請以遊擊留浙補用並賞加叅將銜花翎都司銜守備林德元請以都司留浙補用並

賞加遊擊銜藍翎守備魏光翰劉華汜王宗高均請以都司留浙補用並

賞換花翎藍翎千總李光彩胡世忠均請以守備補用
並

賞加都司銜藍翎把總饒名璋五品軍功李本鴻均請
以守備補用外委楊信成軍功雷繼裘邱奪才駱輝能
雖孝前郭玉發李玉春李得勝鳳冠林均請以千總拔
補並

賞戴藍翎其餘在事出力弁兵紳勇可否由部核明保
獎之處出自

天恩所有克復嚴州府城實在情形謹會同協辦大學

土兩江督臣曾國藩閩浙督臣耑齡恭摺奏報伏乞

皇上聖鑒訓示施行謹

奏
同治元年十一月廿三日

謹政王軍機大臣奉

旨另有旨欽此

同治元年十二月初八日內閣奉

上諭左宗棠奏官軍攻克嚴州府城一摺浙江遊賊聚
守嚴州府城疊次糾黨出擾均經官軍擊退十一月十
二日知府魏喻義偵知賊欲傾巢出犯先令官軍設伏

以待是晚該逆前隊爲至鎡嶺地方伏兵齊起四面圍殺賊五百餘名無一脫者後隊驚竄回城十三日夜半魏喻義親率諸軍潛抵郡城西北兩門豎立雲梯通判李昌彩等首先登城官兵一擁齊上殺斃守城之賊百餘城內悍賊分段擁上洋鎗如雨官兵奮勇衝殺拋擲火礮火彈鏖戰三時之久殺賊二千餘人旋復下城巷戰賊不知其數餘賊望東南狂竄城門猝不及起山城垛躍下墜死者約百餘名其河下賊船經礮船轟擊焚毀將盡越城脫者復被馬隊追斬千餘名殘匪

無路可遁棄械投誠立將嚴州府城克復共計殺賊萬
餘焚溺無數焚燒賊船二百餘隻捷獲僞印二百九十
三顆奪獲馬匹旗械無算剿辦甚屬得手所有尤爲出
力之知府魏喻義著以道員留於浙江補用並賞加振
勇巴圖魯名號通判李昌彩著以同知留於浙江儘先
補用並賞換花翎遊擊許成化著以副將留於浙江補
用都司黃占龍魏光猷均著以參將留於浙江補用周
世運魏發元均著以遊擊留於浙江補用並賞加參將
銜守備林德元著以都司留於浙江補用並賞加遊擊

銜魏光翰劉華汜王宗高均著以都司留於浙江補用
並賞換花翎千總李光彩胡世忠均著以守備補用並
賞加都司銜把總魏明璋軍功李本鴻均著以守備補
用外委陽信成軍功雷繼張邱秀才駱輝能蕭孝前郭
玉發李玉春李得勝鳳冠林均著以千總拔補並賞戴
藍翎其餘出力弁兵紳勇著准其擇尤保奏陣亡弁兵
並著查明請卹該部知道欽此

附陳賊情并監放炸礮片

再甯波中外各軍會克上虞後新昌嵊縣之賊均竄諸

暨其東陽義烏之賊均紛紛西竄據金華紳團探報華
賊腐聚金華屯紮數十里不知其數意在援救湯溪諸
游然徘徊不敢遽進龍湯兩城之賊揚言進首李世賢
已至徽州紿諸賊固城實則接濟已斷外援不來諸賊
亦自相猜貳屢據賊中逃出賊目及搜獲偽文所言窘
蹙情形相同其偶爾衝出零星小股均經各營隨時擊
退每次擒斬數十百名然城壘極堅攻撲多傷精銳一
時未能遽下臣聞江西所存五千斤木壳銅心大礮能
發三十七八斤重炸彈其製與洋人落地開花礮略同

臣於調取到時兩次親自監放並攜礮規則馳先發之
六顆均近城而墜次將礮畢移近隙間有先炸數顆外
餘均墜入城中始行炸裂鄰垣房屋炸斃逆賊料亦不
少然賊之穩踞尙如故可見西洋所恃爲利器者亦祇
能驚可動之衆無備之城無他謬巧也現在嚴郡旣克
金華右臂已斷如能速克蘭溪則嚴州之水運通金華
孤而杭州亦震龍湯兩城之克亦當不遠臣惟有盡瘁
圖之不敢稍有懈忽至臣軍自夏徂秋爲疾疫所苦弁
勇故者至四千餘之多入冬以來漸次痊可前此欽奉

恩諭垂詢及之臣比奏錄行知並傳各營官稍官剴切
宣示諸將士亦知感荷

皇仁雖缺餉七八箇月之久未忍言去卽病弱稍能起
立者亦未忍求假臣賞其誠而亦未嘗不憐其苦也所
有龍湯蘭各賊情形應俟續報以慰

慈厪理合附片陳明伏乞

聖鑒謹

奏 同治元年十月廿三日

議政王軍機大臣奉

旨另有旨欽此

請將知府留浙補用片

再分發湖南候補知府劉汝璆籍隸江西十年九月請
咨赴部道過杭州經前撫臣王有齡奏留奉

硃批著照所請軍務稍平卽給咨赴部不准奏留欽此

查浙江現在府縣之員臣所奏調各員尙多未到日下

差委需人該員劉汝璆人尙樸實任浙兩年於地方情
形頗爲熟悉亦並無失守查辦處分可否仰懇

天恩將該員仍留浙江補用俟軍務稍平給咨送部引

見之處出自

聖裁伏候

訓示施行謹

奏 同治元年十一月廿三日

議政王軍機大臣奉

旨著照所請該部知道欽此

請飭部續發米捐執照片

再臣軍所部二萬七千餘人現在的餉銀僅敷發至本年
閏月欠發已近八箇月目下遣員回楚添募勇丁長夫

又在溫台兩府挑選壯健勇下來營補充病故病弱空
缺需餉日繁各省每月協餉均難如數解濟臣前請奏
開米捐蒙

准飭部頒發各項空照臣接收後分途勸辦頗有成數
尙未取齊而存照業已無多合無仰懇

天恩飭部再配發各項執照共一萬張交臣照辦於軍
精不無稍補又本年五月接准咸豐十一年十一月初
六日由部頒發空照三千四百張內收戶部貢照二百
七十張其國子監貢照二百七十張未准配發又續接

准十一年十二月二十日由國子監發空照二千二百
三十四張其戶部頒發各項空照三千四百張內只有
監照七百張短配發監照一千五百三十四張又奏准
米捐案內於閏八月初六日由部頒發各項執照五千
張內收貢照五百張監照二千張其國子監貢照五百
張監照二千張未准同發以上三起貢監各照臣業經
咨催未准補發請一併

飭部迅速補頒由驛飛遞前來以憑搭配勸捐冀可稍
濟饑甯伏乞

皇上聖鑒施行謹

奏同治元年十一月廿三日

議政王軍機大臣奉

旨另有旨欽此

同治元年十二月初八日內閣奉

上諭左宗棠奏請飭部續行配發執照並從前未發貢
監各照迅速補頒等語浙江軍營需餉孔亟前經左宗
棠奏開米捐由部頒發執照分途勸辦現已著有成效
著戶部再行配發各項執照壹萬張迅卽遞交左宗棠

軍營以濟軍情至上年十一月國子監短發貢照二百七十張十二月戶部短發監照一千五百三十四張又本年閏八月國子監短發貢照五百張監照二千張並著該衙門迅速補行發給毋再稽延其上次頒發部監各照因何參差不齊未能一律配發之處著該衙門一併查明辦理欽此

會銜奏官軍會剿賊之賊克復績溪等城摺

奏爲官軍會剿賊之賊克復績溪祁門兩城恭摺具
奏仰祈

聖鑒事竊皖南告警臣等調駐守遂安之布政使司銜

卽選道王文瑞所部全軍於九月駐紮歙休婺三界之
草市地方相機援剿業經奏明在案十月旌德告警正
擬援旌而旌圍旋解時有股匪由昌化闌入徽郡地界
糾合旌德股匪於前十月二十五日突陷績溪王文瑞
卽會同皖南鎮唐義訓援之師進臨溪二十八日王文
瑞前隊遇賊生擒數十人二十九日賊復來犯擒斬百
人十一月初一日官軍分三路擊賊唐義訓由左路進
王文瑞由中右兩路進賊撲中路其猛我軍奮擊斃先

鋒悍賊數十人騎馬貫衣賊目一名營官楊海泰與陸
貴王明輝等怒馬陷陣賊勢稍却羅瑞山郭德馨等復
從山凹橫截賊陣大亂朱連芳陳清泰葛蘭世賀章彬
鍾邦林方有才等奮威衝殺中路之賊大奔唐義訓朱
聚賢從左右截之各有斬獲計殺賊千餘名生擒二百
餘解散千餘奪獲賊馬二十餘匹洋鎗洋炮二百餘件
所載刀矛無算本擬乘勝攻城因雨收隊是夜三更城
賊膽寒竄遁追至叢山關而還沿途殺賊頗多績溪縣
城於初二日卯刻收復訊據賊供賊目爲巢姓洪姓陳

姓洪逆已經擊斃見錄大挫後休局勢無虞王交瑞於
初五日仍回草市旋報告逆率賊約萬人山旌北竄入
太平縣之黃花嶺初六日王文瑞冒雨拔隊山休甯前
進初七日駐師漁亭甫到即聞駐祁之良字兩營出嶺
接仗主文瑞以良營兵單不守而戰殊爲可慮乃星夜
馳往援之行至離祁二十五里地方探報良營已被衝
散賊已入城其時兵勇連日奔馳山路滑澀軍火在後
地境生疏欲乘夜進攻轉恐失利仍暫回漁亭會商唐
義訓合力併進臣宗棠聞祁門旣失衛郡糧路被截饑

景堪虞因於無可抽換之中札調臬司劉典一軍暫罷
蘭溪不攻由華埠趨婺越境勦剿十九日啓行卽接據
稟報初九日午刻唐義訓王玄瑞由漁亭進紫花橋北
卽挑勇數十名持火箭火彈號鼓於近城山頭施放城
中賊匪大震四更後由西門進窺卽城於初十日收復
官軍分路跟追殺尾賊二三百人王玄瑞以卽城雖復
恐賊繞竄浮梁景鎮卽派隊出桃樹店截之此浙軍會
剿皖南竄賊收復績卽兩城實在情形也現准江西撫
臣來咨調回援浙之卽選道王德榜一軍及接守遂安

同知王沐一軍直趨玉山景鎮一帶防守江西兵力較
前稍集遂安要地無人防守臬司劉典應即暫緩發景
之行擇駐清溪南谿適中地方以資兼顧所有此次會
克績溪並收復祁門出力弁勇可否由臣等酌核保獎
之處出自

天恩伏乞

皇上聖鑒訓示謹

奏 同治元年十一月廿三日

議政王軍機大臣奉

旨另有旨欽此

議政王軍機大臣 字寄同治元年十二月初八日奉
上諭左宗棠奏官軍克復嚴州並湯溪龍游賊情請飭
部再行頒發摺照各摺片本日已明降諭旨將出力之
魏喻義等照所請獎勵並飭部即行頒發各照矣嚴州
克復殺賊逾萬嚴州之永連通金華賊勢遂孤
勢復如前裕可克則嚴州之永連通金華賊勢遂孤
杭甬亦將震動剿辦更易得手龍游湯溪賊援已斷諸
賊自相猜貳正可設計攻拔各處剿辦情形並著隨時

奏聞以紓南顧之憂各營自夏徂秋爲疾疫所苦近雖
痊可而缺餉數月仍能耐苦力戰覽奏資深廩念已催
令沈葆楨晏端書迅籌撥餉接濟該撫仍卽策勵諸軍
舊勉圖功以期節節肅清同膺懋賞另摺奏浙軍會剿
竄微之賊克復績溪祁門等語官軍克復績溪等處前
據曾國藩奏報已將出力之王文瑞等分別獎勵其餘
出力弁兵著曾國藩左宗棠會同查明分別酌量保奏
石埭太平一路尙虞匪蹤竄越昨諭曾國藩嚴飭朱品
隆等分路剿擊肅清徽境毋使已復各城再有他虞諒

該大臣已遵旨辦理其界連江西浙江之處並著左宗棠派兵會同防剿毋令闖入知府劉汝璣已准其留浙補用矣將此由六百里各諭令知之欽此

請應題應咨暫緩辦理片

再浙江此次之變除現存之府廳縣外各衙門文卷冊籍成案檔冊一概蕩然無存幕友書吏流亡轉徙無從尋覓臣自蒙

恩補授巡撫以來均在行營辦事尋常例案幕友固以艱險之地裹足不前本衙門舊有書吏亦並無一名來

又者軍事而外一切昭例

題奏及應咨應行公牘均須一手具稿而又苦無例案可準卽司道以下各員亦多新進不諳體式思欲一一遵照舊章實非此時所能驟致可否仰懇

皇上天恩垂念浙省事皆新造與各省情形不同凡照例應題各件及照例應咨各部公牘均暫緩辦理俟杭省克復再議遵照舊章以免疏悞是否有當伏候

訓示施行謹

奏

同治元年十一月廿三日

議政王軍機大臣奉

旨著照所請該部知道欽此